

麻城縣志敘畧

大事記第十

春秋書災不書祥所以抑滿盈垂警畏於將來也卽其會盟戰伐興作之屬皆非無故而書後來史家奉爲鼻祖若方志爲書疆域有限政績無多紀事必以詳確爲宜秉筆不存褒貶之見斯史志之所由別也麻城地接楚豫春秋則弦黃僨國叠觀兵戎季漢則吳魏當衝時增重戍至南北朝割據僑析暮趙朝秦干戈俶擾迄無寧歲唐元和中平定淮蔡李道古觀察鄂岳實於麻城扼其南五季淮南

麻城縣志

卷三十七 序

一

分壤楊徐迭興宴然無七鬯驚者幾四十年蓋千載一時也厥後宋李重奏復麻城五關以遏賊而元世祖實由麻城取道渡江明季流寇披猖麻尤數遭蹂躪 國初康熙中三藩背逆川楚煽動岡麻之交盜弄潢池時于清端公任岐亭同知以忠義激發鄉民董率士紳督練團勇勦撫兼施不數月而小醜削平殲厥渠魁脅從罔治善良安堵如故其不至於玉石俱焚者公之力也咸豐初粵逆跳梁竊據金陵蔓延數省四年始竄麻境邑人士倡辦團防富民出資貧民出力或越境以討賊或固圍以保家由是義



勇之名大振楚北之大局亦賴以全地當南北要衝連年
捻粵交闕遂爲出入孔道而邑中之團防凡三變始而招
募防勦繼而聯團合練旣而堅壁清野至同治三年大軍
克復江甯六年始奏蕩平十數年來所費旣復不貲死事
尤多可憫然民間忠奮之氣終不少衰者蓋 國家教養
之所積亦是邦風尚之所遺也中興奏績 朝廷計功酬
庸加廣學額麻城與有榮焉傳曰國之大事在祀與戎祀
典非一縣所宜志故是卷於戎事爲獨詳其餘有合於春
秋所宜書者并依年編次至若虞初作志小說斯傳雜家
存之亦足廣見聞而資談故也已

麻城縣志

卷三十七 序

二

者流齊諧著錄原本舊志之叢談新附終篇之雜記過而

麻城縣志卷三十七

大事記一

謹按舊志所記自春秋迄明季為一卷 國初迄乾隆間為一卷茲復蒐補數條益以嘉道間事併為一卷至咸同以來干戈俶擾間井流離上下同仇克臻耆定事多而有徵時近而可信別為一卷較前加詳至以年為綱分紀庶務無事不書年仍前志例也新舊記凡三卷事訖於同治十三年方今

聖主當陽湛恩汪濊遐陬僻壤神化同游樂歲休徵所在

麻城縣志

卷三十七

大事記
列朝

皆是後有述者尙其秉筆依類而書之

列朝

春秋魯定公四年吳楚戰於柏舉

元和志柏舉即麻城之龜頭山

魏明帝太和二年滿寵增西陽戍兵吳揚言欲獵江北孫

權擬自出豫州刺史滿寵度其必襲西陽預為之備權

聞之乃還

魏志滿寵傳

麻城三國時魏名西陽屬弋陽郡

吳赤烏四年陸遜以三萬人守西陵遜以西陵為重鎮國

之藩蔽故置重兵以守之

吳志陸遜傳

晉永嘉元年西陽蠻寇江夏太守楊珉與諸將議方畧駢

督朱伺獨不言珉問將軍何以獨不言伺曰諸人以舌擊賊伺唯以力耳

後趙石虎使其將麻秋築城

麻城之名始此見晉書載記

宋文帝元嘉二十五年

戊子

置長風縣以豫部蠻民故立此

屬西陽郡

宋書州郡志

二十九年

壬辰

西陽蠻反宋遣沈慶之討之

南史沈慶之傳

三十年

癸巳

宋復遣武陵王駿統諸軍討西陽蠻平之

同上

是歲蠲西陽郡租布

宋書世祖本紀

孝武帝大明八年

甲辰

省建寧左郡為縣初分西陽置建寧

麻城縣志

卷三十七

大事記

二

左郡至是省為縣屬西陽郡

宋書州郡志

順帝昇明二年

戊子

沈攸之反遣其將公孫方平據西陽朝

以劉懷珍持節督豫司二州郢州之西陽軍事遣建寧

太守張謨游擊將軍裴仲穆帥蠻漢軍萬人出西陽破

方平軍數千人收其器甲

齊書劉懷珍傳

齊和帝中興二年

壬午

梁遣軍主吳子揚率眾取三關魏東

豫州刺史田益宗遣光城太守梅興之步騎四千進至

陰山關南八十餘里據長風城逆擊子陽斬獲千餘級

梁建寧太守黃天錫築城赤亭復遣其將黃公賞屯於

崇城與長風相持益宗使安蠻太守梅景秀爲之犄角
擊破天錫獲其二城魏書田益宗傳

梁武帝天監二年癸未魏長風戍主奇道顯取梁陰山白杲

二戍綱目

六月大水漂損居民資業遣使周履量蠲課調梁書本紀

三年甲申豫州刺史馬仙琕永陽戍主陳可等率眾一萬於

三關南六十里因山起石名爲竹墩遣輔國將軍濟陰

太守薊沛以精卒二千戍之後於關南四十里麻陽舊

柵起城仙琕輕騎東西爲之節度關南之民多懷觀望

麻城縣志

卷三十七

大事記 列朝

三

魏郢州刺史司馬悅令西關統軍諸靈鳳掩擊敗之盡

燔其城樓儲蓄擒薊沛及其將軍劉靈秀魏書司馬悅傳

普通八年丁未刺史夏侯夔自西陽武昌二郡太守遷司州

刺史帥壯武將軍裴元禮直閣將軍任思祖出義陽道

攻平靖穆陵陰山三關克之梁書夏侯夔傳

陳宣帝大建五年癸巳西陵太守周炅隨吳明徹北討所向

克捷齊遣尚書左丞陸騫以眾二萬出自巴斬與炅相

遇炅留羸弱輜重設疑兵以當之身率精銳由閒道邀

其後大敗騫軍虜獲器械馬驢不可勝數進攻巴州克

之於是江北諸城並誅渠帥以城降進炁散騎常侍追
炁入朝初蕭訾定州刺史田龍升以城降陳以為鎮遠
將軍定州刺史封赤亭王及炁入朝龍升以江北六州
七鎮叛入於齊齊遣厯陽王高景安帥師應之於是令
炁為江北道大都督總統眾軍以討龍升龍升使弋陽
太守田龍瑑帥眾二萬陣於亭川高景安營於穆陵陰
山為其聲援龍升引軍別營山谷炁乃分兵各當其軍
身率驍勇先擊龍升龍升大敗龍瑑望塵而奔並追斬
之高景安遁走盡復江北之地

陳書周炁傳

麻城縣志

卷三十七

大事記
列朝

四

隋高祖開皇八年戊申十月甲子隋大舉伐陳命楊素率水
軍東下以伐陳陳南康內史巴仲肅屯兵岐亭正據江
峽於北岸綴鐵鎖橫截上流以遏戰船素與大將劉仁
恩登陸先攻其柵仲肅軍夜潰素乃徐去其鎖引水軍
以上焉

隋書高祖本紀參楊素列傳

唐元和十二年

甲申

李愬征淮蔡鄂岳觀察使李道古引兵

出穆陵關

通鑑

五代周世宗顯德五年

乙酉

將軍張勳從征淮南攻黃州擊

敗吳人于麻城 宋史張勳傳

宋太祖開寶七年 甲戌 九月麻城有芝生于縣廨柱上刺史

王明取以獻 宋史五行志

淳熙七年 庚子 大水 舊志

寧宗嘉定十二年 己卯 金兵侵麻城五關知黃州孟珙率兵

禦之 宋史寧宗本紀

十四年 辛巳 二月己巳金興定五年其將僕散安貞出息州

奪洪門山柵統制黃某團兵五千保黃土關堅壁不出

安貞遣輕兵分爲左右軍潛登別以兵三千直逼關門

麻城縣志 卷三十七 大事記 列朝 五

翼日左右軍會於山巔俯瞰關內守關者望之駭愕不

能立中軍急攻奪黃土關遂入梅林關拔麻城縣 金史

僕散安貞傳

理宗淳祐六年 丙午 元萬戶史權引兵攻宋虎頭寨克之

開慶元年 己未 八月元世祖忽必烈以兵渡淮取大勝關遣

張柔由虎頭關分道並進南軍皆遁世祖入大勝關張

柔由虎頭關與宋兵遇於沙窩柔子宏彥擊破之遂由

麻城渡江進圍鄂州會元憲宗崩乃班師還 元世祖本紀

元世祖至元元年 甲子 十二月黃州地震 元史五行志

按元史蠲恤五行無專屬麻城之條今姑以係於黃
州者錄之畧爲近切 舊志

二年 乙丑 七月黃州蝗

三年 丙寅 七月黃州大水

七年 戊辰 五月大水

十一年 甲戌 大旱人相食

十二年 乙亥 大旱疫

十三年 丙子 大旱

成宗大德二年 戊戌 夏大旱 均舊志

麻城縣志 大事記 卷三十七 列朝

秋大水 同上

三年 己亥 十月黃州旱 元史五行志

七年 癸卯 正月大水

十年 丙午 七月民大饑詔以米七萬七千八百石賑糶于黃

州等郡縣 元史成宗本紀

十一年 丁未 大疫

仁宗皇慶元年 壬子 八月大雨毛

七年 戊午 六月黃州旱 元史五行志

文宗天歷二年 己巳 黃州路旱免租賦 元史文宗本紀

三年庚午正月黃州饑元史五行志

順帝至正七年乙亥五月黃州大水

十一年辛卯九月麻城人鄒普勝用袁州僧彭瑩玉以妖術

惑眾因相聚為亂奇羅田人徐壽輝狀貌推之為主即

偽位建國改元以普勝為太師分兵四出連陷黃州等

各郡縣明史陳友諒傳

十二年壬辰黃州大旱荒人相食元史五行志

十三年癸巳黃州大旱

是年黃州復大疫

麻城縣志 卷三十七大事記 七

十四年甲午大旱

明太祖洪武四年辛亥十月大霧雨雪黑色草木竹柏皆枯

八年乙卯秋七月丁丑免黃州府被災田租明史太祖本紀

按明代蠲賑甚多皆統言湖廣並非麻城一縣其專

指黃州者只此一條故採錄之舊志

十年丁巳正月夜雨水黑如墨汁

宣宗宣德元年丙午大旱自正月不雨至六月

二年丁未大雨水

三年戊申六月隕霜殺稼

英宗正統十四年巳大旱

憲宗成化四年戊子大旱

八年壬辰盜劫縣庫

九年巳癸大水縣前河西徙圮東禪寺破泮池

十一年乙未縣頻火災

十二年丙申縣多火災民遭連歲火患皆荷擔而立

孝宗宏治元年戊申大旱疫

八年乙卯固始董宦盤據山谷僭稱王寇麻城

武宗正德三年戊辰六月六日大水射圍民房衝圮無算

麻城縣志 **卷三十七** 大事記 八

四年巳三月麻城土賊據仙姑洞大肆焚掠

是年麥旅生

七年壬申三月二十八日流賊火縣署公館及民屋殆盡

五月霸州賊劉六等自河南取道麻城至團風奪舟入

江殺都御史馬炳然登陸至漢陽焚漢口為官軍所敗

劉六中流矢赴水死劉七等仍入舟至黃州順流抵鎮

江至通州颶風大作棄舟走保狼山為陸都御史完所

蹙劉七亦赴水死賊盡平

八年癸酉訛言鬼兵至民間皆撒灰擊銅器以自衛

十一年丙子十二月有熊飛過縣逐至北郊獲之

世宗嘉靖二年癸未有虎至縣西北郊食人甚夥

八月無雲而雨三閱月乃止

三年甲申麻城土賊胡廷鳳岐亭人逃居西山每秋徂春來

入縣劫掠屢寇岐亭大為民患提學副使許宗魯臨縣

遇諸岐亭撫諭之乃退遂城岐亭立捕盜通判署並鐵

壁關巡檢司

是年大疫

十年辛卯蝗自商城來其飛蔽日食稻粟立盡

麻城縣志

卷三十七

大事記
列朝

九

十三年甲午菜花不實悉成人物禽蟲龍鳳之狀

十四年乙未正月大雷

十五年丙申十二月大雷電

十七年戊戌五月十八日大水平地深丈餘

三十年辛丑八月蝗自光山來聲飛如雷所過田禾無遺

二十一年壬寅大風拔木發屋民居多被壓壞

九月初四日霜降午後大雷電

二十三年甲辰積雨十旬正月至於四月麥苗盡壞

夏復大旱晚禾無收

十月恒燠桃李皆花竹笋出麥秀實十二月十六日始霜十七日大雨電

二十五年丙午四月二十日東北有黑氣如牆西南大雪雹雹形如鵝卵如馬首麥盡壞

二十六年丁未十二月十八日大雷電

二十七年戊申夏白兔兩見初見縣東敦陽灣再見香草園皆獲之以獻于官

二十九年庚戌五月初三日大霾雨土黃霧四塞七日乃止十一月二十五日大霜及霧凡水流簷溜者悉成串珠

麻城縣志

卷三十七

大事記
列朝

十

俗名霜掛識者謂主兵革又著樹叢如蝟刺行人鬚眉俱白

三十年辛亥五月十八大熱河魚盡斃馬蹄踏土火出

三十一年壬子四月蚤螽黑質而長食麥花盡

六月二十六日大水

九月中旬有鸛集于五腦山數約萬計飛集紫微神祠其旋如蓋其立若排竟日而散次年復來不爽其期

三十二年癸丑五月初三日大水河見怪物民溺死者以千計鄰界道觀河一市漂棄無遺

三十三年甲寅大旱蝗自正月至于九月諸種不收蝗自東
山人無食自去舊志

是冬大疫自春徂夏

三十五年丙辰十二月初三日大雪深者丈許路斷行人

神宗萬曆十七年己丑大旱疫麥禾兩盡人民受災傷者無
算

三十六年戊申大水侵雉堞城中危急忽龍池岸裂斷水洩
城乃獲全有人見神人立雲中以棒斷岸疑以為土主
神助云

麻城縣志

卷三十七

大事記
列朝

十一

四十四年丙辰八月飛蝗蔽日

四十六年戊午七月十五日有火星降于白田坂自北而南

著草木皆然 彗星見東方尾長亘天

熹宗天啟元年辛酉冬大雨雪凡三閱月

四年甲子秋大霜晚禾無收

莊烈帝崇禎元年戊辰大水

二年己巳大旱復大饑

庚午辛未間麻城謠言有旨贖僕眾口哄傳縣內大亂
欲為變者忽于教場中驀樹紅旗書萬人一心下懸倭

刀并叛主榜文知縣蔣煜出示云僕之叛主猶子之逆
父臣之背君必殺毋赦至若聖旨何人敢出諸懷中藏
之袖裏偽造詐傳罪尤加等如不速悛將倡亂之人立
刻處死悔禍安分則概宥不論示懸各門眾遂貼然
七年^甲流賊往來如織然未嘗攻城止肆野掠殺擄無算
房屋盡毀各鄉依山結砦保聚官兵坐視不援凡賊魁
謂之掌盤子餘以綽號行曰紫微星老回回闖塌天射
塌天老曹操過天星一隻虎隔簾燕掃地王闖王闖將
一斗粟混世王八大王邑紳梅之煥倡率捍衛

麻城縣志

卷三十七

大事記
列朝

三

八年^乙春流賊張獻忠由英霍取道麻城入陝會合高迎
祥李自成等知縣劉星耀督眾守城賊不敢近據石堰
霸陂等處燒城外北關次早過城下而去由東南入山
掠傷甚慘夏援勦將官鄧玘至麻城紀律嚴明後爲其
下所殺時論惜之

三月湖廣賊陷麻城斬黃大盜抓天王擁眾八百餘人
村民擒之

通志

是冬流賊復至陰山畝守將馬人龍雷應乾游擊馮虎
昂均死之先是春閒賊過麻城督師使馬雷二將鎮守

陰山畝冬賊復至二將率守兵百餘力禦之援兵不至
眾寡不敵全師盡覆

按馬雷死事并詳忠節傳

九年^{丙子}夏蝗飛蔽日薄于林藪盡成蝗樹

十年^{丁丑}春正月總兵秦翼民逐賊於麻城黃岡閒敗之老

回回所部整齊入大王九營潰而為四一支走羅田一

支走團風鎮一支走蘄水一支走岐亭通志

十三年^{庚辰}二月縣民王心宇家猪產五子皆異狀一白象

一黑象俱長肉鼻一目在面中狀甚猙惡一獅首一猴

麻城縣志 **卷三十七** 大事記 列朝 三

首形極怪異觀者如堵未幾合縣僕人叛主千百為羣

乃古今罕有之變識者以為此獸妖也

三月大疫死者相望于道慘不可言至九月方止

是年大旱蝗

十四年^{辛巳}巡撫宋一鶴會副總兵王允成劉良佐督師丁

啟睿都督左良玉同駐麻城賊至東義洲左良玉潛師

夜襲之大破賊眾俘馘甚多

是年復大旱蝗時寇疫洊臻米價騰湧民病饑人相食

十六年^{癸未}四月張獻忠竄據麻城教諭蕭頌聖縣丞李體

明死之先是春閒獻賊至麻旋卽東去里民明承祖及僕輩洪樓先等結里仁直道二會活埋殺所讐以倡亂各鄉砦鳩眾圍城討亂會眾使湯志至潛山縣地方迎賊張獻忠於四月初六日入城會眾奉以爲主改縣爲長順州遂渡江攻陷省城安立僞官獨朱山砦不降時邑人周文江被陷密約鳳陽總督馬士英內應反正受武銜甲申乙酉閒文江復於黃蘗山共擁張舊樞旋敗邑又有五腦山公會知縣陸晉錫拱聽而已僑居朱山縣內大亂以上舊志

麻城縣志

卷三十七

大事記

西

按明史闖賊實未嘗至麻城崇禎三年張獻忠始起關中號入大王竄出桐廬潛太閒嘗從英霍至麻城合馬守應等入關十六年獻忠爲左良玉所敗遁入太湖會良玉撤兵復閒道出連陷蘄州蘄水入黃州麻城人湯志者大姓奴也殺諸生六十人以城降賊獻忠改麻城爲州由是而西陷漢陽僭據武昌舊志以獻爲闖茲更正李體明或作體用俟考